



Espedientea: Kultur eta Kirol programak gauzatzeko dirulaguntzak

Espedientearen gaia: 2024ko KULTUR ETA KIROL TALDEEN DIRU-LAGUNTZEN DEIALDIA

Titularra: ZALDIBIAKO UDALA

KULTUR ETA KIROL TALDEEN DIRU-LAGUNTZEN OINARRIAK

Lehenengoa: Deialdi honen helburua da, 2024. urtean zehar Zaldibiako irabazi asmorik gabeko kultur erakundeei beraien kultur proiektuen eta urteko programen garapena finantzatzera zuzendutako dirulaguntzen emakida baldintzak arautzea.

Bigarrena: Kultur ekimenak garatzea lagunduko da diruz, eta horretarako, honako baldintza hauek bete behar dituzte interesa duten erakundeek:

- Zaldibiako Udalak egiten dituen ekimenen osagarri izatea edo haiek ordezkatzeta, edo erabilera publikoko edo gizarte-intereseko jarduerak izatea, beti ere, deialdi honetan ezartzen diren baldintzak kontuan izanda.
- Ez dira aintzat hartuko beste udal partida edo deialdietatik dirulaguntza jasotzen duten ekintzak. Bere izaera eta helburuak direla eta udalaren beste arlo edo erakunde autonomo batzuen beste programa baten edo batzuen bidez bideratu behar zirenen eskaerak, dagokion erakunde edo udal arloetara bideratuko dira eta horren berri emango zaio interesatuari.

Hirugarrena: Dirulaguntza eskatu ahal izango dute, bere kultur jarduerak deialdi honetan zehaztu den arloan garatzen dituzten irabazi asmorik gabeko erakunde nahiz pertsonak, beti ere bere jardun eremua Zaldibian badago.

Laugarrena: Zaldibiako Udalak xede honetarako 15.000 euroko zuzkidura dauka aurreikusita 2024ko aurrekontuan, hain zuzen ere **1.0000.480.334.00.01.2024 (89) KULTUR ETA KIROL TALDEEI DIRULAGUNTZAK** partida eta kontzeptuan dago jasota. Zenbateko hori handitu ahalko da Udal Aurrekontua Gauzatzeko Oinarrietan aurreikusitakoarekin bat etorritz.

Bosgarrena: Laugarren puntuan adierazitako diru-zuzkiduraren zenbatekoa eskatzaile kopuruaren eta ondoko taulan idatzitako irizpideen eta puntuazioen arabera esleituko da (100 puntu guztira).

Diru laguntzak jasotzeko ezarritako gutxienekoa 50 puntukoa da, eta gutxieneko puntuazioa lortzen ez duten proiektuak diru-laguntzen banaketatik kanpo gera daitezke.

Irizpideak	Puntuazioa
Proposatutako programaren ezaugarriak (40 puntu gehienez ere)	
1. Proiektuak zaldibiarrentzat duen garrantzia.	3
2. Programak herriko kulturari eta kirolari egiten dion ekarpena.	5
3. Aurrera eramango den programa garatzeko beste elkarteekin elkarlana.	3
4. Proposatutako programaren ibilbidea eta finkatzea.	5
5. Ekintza horrek erdiguneaz gain auzoetan eragina izatea.	5



6. Egitarauan berrikuntzak eta egitarau berriak txertatzea.	2
7. Proposatutako jardueretan kanpoko jatorria dutenen parte-hartzea bultzatzeko bideak martxan jartzea.	3
8. Euskararen erabilera bermatzeko eta sustatzeko konpromisoa.	3
9. Genero-berdintasunaren sustapenean proiektuak duen eragina.	3
10. Proiektuaren zehaztasuna eta doitasuna deialdian zehaztutako helburuekiko.	2
11. Proiektuaren izaera berritzailea eta sortzailea, eta haren programazioaren eta diseinuaren kalitatea.	2
12. Proiektua garapen-estrategietan txertatzea, edo beste erakunde batzuei lotutako programekin uztartzea	2
13. Programak populazioan eta zeharkako beste populazio onuradun batean izan dezakeen eragina	2
Erakundearen irmotasuna eta ezaugarriak (40 puntu gehienez ere)	
14. Udalaren ekimenetan parte hartzea	10
15. Erakunde eskatzailearen dedikazioa eta biltzen duen giza taldea.	10
16. Urtean zehar antolatzen dituen ekintzak.	5
17. Dirulaguntzaren xede den proiektuarekiko eskatzaileak duen esperientzia	5
18. Proiektuak denboran zehar izango duen egonkortasuna.	5
19. Proiektuaren tamaina eta Zaldibiako Udalaren jarduera-programekiko duen lotura.	5
Eskatzailearen finantza baliabideak (gehienez 20 puntu)	
20. Diru-laguntza eskatzen duen erakundearen edo elkartearen aurrekontua.	5
21. Proiektuaren aurrekontua eraginkorra izatea, egin behar diren jardueri egokitua.	5
22. Proiektuaren kostuak haren helburuei eta pertsona onuradunen kopuruari egokitzea.	5
23. Beste erakunde batzuekin batera finantzatzea proiektua.	5
24. Diru-laguntzaren eskatzaileak proiektua gauzatzeko egiten duen diru-ekarpena. Xede horretarako, diruz lagundutako proiekturako erabiliko den jendea eta baliabide materialak.	5

Dena dela, aurreko irizpideetan baloratu ez diren bestelako herri intereseko irizpideak kontuan hartzeko aukera ere izango da.

Seigarrena: Diru-laguntzak honela banatuko dira.

- 50 puntutik 59 puntura eskatutako diru-laguntzaren %60 arte.
- 60 puntutik 69 puntura eskatutako diru-laguntzaren %70 arte.
- 70 puntutik 79 puntura eskatutako diru-laguntzaren %80 arte.
- 80 puntutik 89 puntura eskatutako diru-laguntzaren %90 arte.
- 90 puntutik 100 puntura eskatutako diru-laguntzaren %95 arte.

Zazpigarrena: Eskerak Zaldibiako Udalaren bulego birtualeko egoitza elektronikoan (www.zaldibida.eus) edo udaletxeko herritarren arreta zerbitzuan erregistratuko dira. (Santa Fe kalea, 18. 20247 ZALDIBIA (Gipuzkoa), Telefono zenbakia: 943880357)



Zortzigarrena: Eskaerak aurkezteko epea 30 egunekoa izango da, hain zuzen ere, oinarriok Zaldibiako Udalaren web-gunean argitaratzen diren hurrengo eguneko goizeko 09:00etan hasiko da eta hogeita hamargarren egunaren arratsaldeko 13:00etan amaituko da.

Bederatzigarrena: Zaldibiako Udalarekiko betebeharretan egunean egon beharko da dirulaguntza jasoko bada; alabaina, ez da ziurtagiririk aurkeztu behar, Udalak berak egiaztatuko baitu baldintza hau betetzen dela.

Hamargarrena: Diru-laguntzaren eskaerarekin batera honako agiriak aurkeztu behar dira:

- a) Eskaera-orri normalizatua (I. Eranskina). Elkarte bateko ordezkari gisa ari den pertsonaren izen-abizenak, NAN zenbakia eta harremanetarako datuak adierazi beharko dira.
- b) Ekintzei buruzko fitxa (II. Eranskina).
- c) Elkarteek: Identifikazio Fiskalaren Kodearen kopia.
- d) Pertsona fisikoak: Nortasun Agiriaren Kopia identifikazio fiskal gisa.
- e) Elkarteak Eusko Jaurlaritzako Elkarte eta Erakundeen Erregistroan izena emanda daudela egiaztatzen duen ziurtagiri eguneratua.
- f) Diru-laguntza eskatzen duen Elkartearen estatutuak: Kideak, helburuak, egiten dituen jarduerak, etab. Eskatzaileak pertsona fisikoak direnean, berriz, curriculum vitae-a.
- g) Eskatzailea diru-laguntza jasotzeko kontu korrontearen titularra dela egiaztatzen duen banku-agiria (III. Eranskina).
- h) Bestelako erakunde, organismo edo organizazio batzuei dirulaguntzak lortzeko egindako eskaeren aitorpena, edota, halakorik balego, jasotzen dituzten diru-laguntzaren aitorpena (IV Eranskina).
- i) Honako egiaztagiriak aurkeztu beharko dira:
 - a. Gizarte Segurantzarekiko betebeharretan egunera egotearen ziurtagiria (V. Eranskina)
 - b. Ogasuneko betebeharrak betetzearen zinpeko aitorpena (VI. Eranskina).
- j) Elkarteak ez duela bazterketarik egiten adierazten duen zinpeko- agiria (VII. Eranskina).

Interesaturen batek adierazten badu oinarri hauetan eskatzen diren dokumentuetako batzuk Zaldibiako Udalaren esku daudela eta Udalak hori hala dela baldin badaki, interesatuak ez du dokumentazio hori aurkeztu beharrik izango.

Nolanahi ere, aurreikusitako ekimenari dagokion dokumentazioaz gain, entitate eskatzaileei behar besteko informazio osagarria eskatu ahal zaie aurkeztutako ekimena behar bezala baloratu ahal izateko.

Hamaikagarrena: Aurkeztutako eskaerak akatsak baldin baditu, eskatzaileari jakinaraziko zaio eta 10 eguneko epea izango du zuzentzeko. Hori horrela egin ezean, eskaera aurkeztu duenak atzera egin duela ulertuko da.

Hamabigarrena: Dirulaguntzen onuradunek honako betebeharrak izango dituzte:

- Dirulaguntza ematerakoan kontuan hartutako edozein gorabehera objetibo zein subjektibo aldatuz gero, horren berri Udalari jakinarazi beharko dio.
- Udalean jakinaraztea edozein administrazio edo erakunde publiko zein pribaturik jaso direla xede bereko diru-laguntzak, diru-sarrerak edo baliabideak.



- Udalean jakinaraztea diruz lagundutako programa finantzatu duten bestelako diru sarrerak, bazkide kuotetatik lortzen dena, esaterako.
- Erakundeak antolatzen dituen jarduera guztietan hizkuntza eta irudi ez sexistak erabiliko dituzte.
- Diruz lagundutako jarduerari buruz, euskara behintzat erabili beharko da ekintzan bertan eta argitaratutako iragarki, ohar, jakinarazpen eta abarretan.
- Era berean diruz lagundutako jarduerak aintzakotzat hartuko ditu Euskararen Udal Ordenantza, Zaldibiako Udalaren Euskararen Erabilera Plana, gainerako araudia eta Zaldibiako herriaren errealitate soziolinguistikoa.
- Ekintzei lotutako publizitatean Zaldibiako Udalaren babesa izan duela adierazi beharko da, hau da, udalaren logoa erantsi beharko da.

Hamahirugarrena:

1. **Baldintzak ez betetzea:** Dirulaguntza emateko ezarritako baldintzetakoren bat ez bada betetzen, jasotako diru-laguntza itzuli egin beharko da; gainera, legez dagokion interesak gehituko zaizkio. Honako kasu hauetan:
 - a) Jasotako diru-laguntza osoa edo zati bat ebazpen adierazitako jardueraz bestelakoetan erabiltzea.
 - b) Agindu honetan ezarritako betebeharrak edo, hala badagokio, laguntza ematerakoan ezartzen direnak ez betetzea.
 - c) Dirulaguntzei buruzko azaroaren 17ko 38-2033 Lege Orokorraren 37. artikuluan ezarritakoak.
2. **Jasotako zenbatekoak itzultzea:** Arestian aipatutako ez-betetzeetako edozein eginez gero, jasotako dirua eta dirulaguntzetan aplikagarriak diren berandutze interesak itzuli beharko dizkio onuradunak Zaldibiako Udalaren diruzaintzari.

Hamalauugarrena: Diru-laguntzaren zenbatekoa esleitzeko baldintzak eta prozedura:

1. Eskaerak ezarritako epean aurkeztuta egon beharko dira.
2. Kultura Zerbitzuko teknikariek, eskariak aztertu ondoren, ebazpen proposamen bat egingo dute Alkatetzan.
3. Ebazpena, alkateak emango du.

Hamabosgarrena: Dirulaguntza(k) ordaintzeko moduak, epeak eta baldintzak:

Dirulaguntzaren kitapena: Deialdi honetan emandako dirulaguntzak bi zatitan ordainduko dira:

- **Lehenengo ordainketa:** %60a, alkate-ebazpena eman eta 15 egunera
- **Bigarren Ordainketa:** %40a, urteko memoria aurkeztu eta Kulturako teknikariak aldeko txostena oinarri duela alkatetzak dekretua eman eta, 15 egunera.

Hori horrela, 2025eko urtarrilaren 15a baino lehenago honako dokumentazioa aurkeztu beharko da Kultura departamentuan, 2024 urteko diru-laguntzak kitatu ahal izateko:

1. **Memoria:** Burutako jardueraren azalpen-memoria. Memoriak jasoko ditu diru-laguntza eman zeneko helburua bete dela egiaztatzeko beharrezko alderdi guztiak.



ZALDIBIAKO
UDALA

2024IDIR0007

2. **Diru-sarreran eta gastuen egoera**: balantzea eta emaitza: Gauzaturiko kontzeptuengatik jasotako diru-funtsen aplikazioa.

3. **Fakturak edo eskuratutako dokumentuak**, ahal bada originalak, edota fotokopia konpultsatuak, egindako gastuaren egiaztagarri.

Hamaseigarrena: Oinarri hauetan aurreikusi gabekoetan, Diru laguntzen azaroaren 17ko 38/2003 Lege Orokorra eta hura garatzeko Erregelamendua —uztailaren 21eko 887/2006 Errege Dekretuak onartua— ezarriko dira, bai eta aurrekontua egikaritzeko oinarriak eta aplikagarri diren gainerako xedapenak ere-

Hamazazpigarrena: Ebazpen honek Zaldibiako Udalaren web-orrian argitaratu eta hurrengo egunetik aurrera izango ditu ondorioak.

Sinatzailea	KULTURAKO TEKNIKARIA Aiora Larrañaga Solaberrieta		
Kodea	A 24/0213	Udala	Zaldibia
URL	https://uzt.gipuzkoa.eus/PortalV/r/eu/78/AAAA18X9N.ZBu3		
Dokumentu hau elektronikoki sinatuta dago. Honen baliotasuna egiaztatzeko hurrengo Web-an sarbideratu zaitez edo QR irudia irakurri ezazu			

